

## مرحلة الفرقان | د. أحمد عبد المنعم

أحمد عبد المنعم

السلام عليكم ورحمة الله وبركاته. الحمد لله وحده والصلوة والسلام على من لا نبي بعده. محمد صلى الله عليه وسلم اللهم ارنا الحق حقا وارزقنا اتباعه وارنا الباطل باطل وارزقنا اجتنابه. اللهم استعملنا لنصرة دينك في الارض - 00:00:00

اللهم عز وجل ارزقنا فهما في كتابك وعملنا به يا رب العالمين. تكلمنا في المرة الماضية عن موضوع ماذا لو غاب القرآن قلنا سألنا سؤال تخيل ماذا لو غاب القرآن عن حياتنا؟ وبالفعل احنا بنتغيير عن القرآن - 00:00:30

فذكرنا ان بتكثر الفتن والاضطرابات واصول الدين تحرف. وكثير من الاشياء وكثير من الاشياء تحدث بمجرد ولو اية واحدة بس اللي لو غابت من القرآن عننا. وذكرنا مثال غياب اية واحدة قول الله عز وجل وما محمد الا رسول قد خلت من قبله الرسل قلنا هذه الاية هي التي انقذت المجتمع في المدينة - 00:00:50

يوم موت النبي صلى الله عليه وسلم مجرد قراءة ابو بكر لهذه الاية انقذت المجتمع كله ان ينقسم فرق وتزهر فرق ضالة في تتبنى اراء في موت النبي صلى الله عليه وسلم فكانت اية واحدة تنقذ. فبنقول ما بالنا لما بيغييب عننا سور من القرآن - 00:01:20

نواجه المجتمع من غير قرآن. عايزين النهاردة نتكلم طيب يعني لان المفروض ان شاء الله انا معكم لقائين لغاية لما يجي دكتور حازم اللقاء اللي فات واللقاء ده والله اعلم اللقاء القادم يعني ان شاء الله يكون الدكتور حازم رجع. فاحنا عايزين بس نطلع بمنظومة معينة فكرة معينة نكون خرجنا بها. الاشكالية - 00:01:40

ان الناس بتقول احنا مش عارفين الحق من الباطل. اللي هو التعبير اللي القرآن ذكره في سورة الانعام حيران له اصحاب يدعونه الى الهدى ائته. كنا ذكرت في سلسلة تفسير سورة الانعام شرحنا هذه الاية بالتفصيل. الشاهد يعني ان - 00:02:00

كلمة حيران ده اصبح عند كتير من الناس وله اصحاب يدعونه الى القولين في التفسير ان الاصحاب دول اصحاب حق او اصحاب ضلاله ينادي عليه فرق بيقول له تعال الحق معى. احنا عايزين نكسر هذه الحالة في المجتمع. عايزين نصل الى مرحلة الحق الواضح البرهان الذي لا شك فيه - 00:02:20

عايزين المجتمع يوصل يعرف الحق من الباطل واضحا ما فيش فيه خلل. نعمل ايه؟ يعني كلنا بنتأذى لما بنشوف ناس يتضحك علينا كلنا بنتأذى نفسيا ان اهل الحق يتهموا بالتزوير والغش والخداع. واهل الباطل بيقولوا هم - 00:02:40

عند الناس والاسوة. الانسان بيتأذى جدا. والنبي صلى الله عليه وسلم اخبر ان ده هيحصل سنوات خداعات. يصدق فيها الكاذب ويذكرب فيها الصادق. يؤتمن فيها الخائن ويذخون فيها الامين. الموازين المعاكosa دي اللي اول ناس بدأت بها واسست الموازين المعاكosa. هم المناقون في المدينة - 00:03:00

قالوا على انفسهم وهم المفسدون قالوا انما نحن مصلحون. قالوا على الصحابة انؤمن كما امن السفهاء اتهموا الصحابة بالسفاهة ووسموا انفسهم بالمصلحين. وقال ربنا سيد السفهاء بل انت السفهاء. سيد السفهاء - 00:03:20

من الناس ما ولاهم عن قبته. وابشر الله عز وجل مقياس معيار. هم بيقولوا ان دول ايمان السفهاء والقرآن بيقول لا دول السفهاء ايه المعيار سيدنا ابراهيم؟ ومن يرغب عن ملة ابراهيم الا من سفه نفسه. عايزين معايير نخرج بها من حالة الحيرة - 00:03:40

التراب اللي موجودة في المجتمع. الحالة دي الوضوح ده القرآن سماه ايه؟ سماه الفرقان. القرآن سمي المرحلة اللي بيحصل فيها وضوح للناس كلها سماها مرحلة الايه؟ الفرقان. ذلك في عندنا سورة اسمها سورة الايه؟ الفرقان. بتتكلم من معانيها - 00:04:00 ومواضعها كيف نصل بالمجتمع الى حالة من حالات الفرق ان ما عادش حد في المجتمع يقول لا اصل انا متهيأ لي لا اصل انا ما عدتش

عارف الصح من غلط لا انا مش ضامني الشيخ الفلاني جايز بيكتب. الحالة دي بتنكسر لما بنوصل لمرحلة الفرقان. سورة الفرقان

00:04:20 - بتتكلم

من مواضيعها كيف نصل بالمجتمع مش انت كفرد؟ كتير من الصور انت كفرض تصل الى هذه الحالة كتير. لكن ازاي ننتقل بالمجتمع معنا الى هذه الايه؟ الى هذه المرحلة. مرحلة الذوقان مرحلة مهمة جدا ولازم الامة الاسلامية تمر بها. كلمة يوم - 00:04:40

قال ربنا سماه على ايه؟ يوم ايه؟ يوم لا مش يوم القيمة يوم ايه؟ يوم بدر. ان كنتم امتنتم الله وما انزلنا على عبادنا يوم الفرقان يوم التقى الجمuan. سورة الانفال. يوم الفرقان يوم التقى الجمuan. ربنا سمي بدر يوم - 00:05:00

الاية اللي بعدها على طول ربنا يقول ايه؟ ليهلك من هلك عن بينة. يعني ايه هلك ما هلك عن بينة؟ ويحيا من حي عن بينة. يعني ايه؟ يعني اللي مات - 00:05:20

مات وهو عارف ان هو على باطل. واللي فضل عايش سواء من المسلمين او المشركين المسلمين عرفوا ان على بينة حق والمنافق عرف انه منافق. والكافر فضل عرف انه كافر. خلاص. لم يتبقى الا اما الایمان - 00:05:30

او الجحود. الجحود ده يعني يعرف ويرفض. التعامل بالقرآن مع ناس بيوصل اللي قدامك لحالة من اتنين. اما ان يكون مؤمنا او يكون جاحدا مش رافضا جاحدا. بيقى ايه اهم شيء في مرحلة الفرقان؟ يهلك من هلك عن - 00:05:50

ويحيا من حياب عن بينة. لما بنوصل بالمجتمع لمرحلة الفرقان يأتي النصر زي ما حصل غزوة بدر معی ولا لازم نوصل الطرح القرآني على المجتمع لمرحلة الفرقان الوضوح. ما يبقاش فيه تدليس على الناس في طرح الدين - 00:06:10

ما نطرحش جزء من الدين ونخبي جزء سواء لضغوط امنية وضغوط سياسية ضغوط اجتماعية ضغوط في الرزق ايا كان ده خطر ده تدليس يعاقب الله عز وجل على ذلك. التدليس ده الطرح الجزئي للدين يعمل تدليس عند الناس. الشاهد كيف نصل الى - 00:06:30

مرحلة الفرقان. نيجي نبص في سورة الفرقان. هنالاقى فيها شيء عجيب. نجد ان سورة الفرقان خصها الله عز وجل ان فيها تلات مواضع فيها كلمة تبارك وتبدأ السورة سورة الفرقان بكلمة تبارك. تبارك الذي نزل الفرقان على عبده ليكون - 00:06:50 للعالمين نذيرنا. تبارك الذي ان شاء جعل لك خيرا من ذلك جنات ويجعل لك قصورا. بل كذبوا بالساعة دي الموضع الثاني في سورة الفرقان. الموضع الثالث تبارك الذي جعل في السماء بروجا وجعل فيها سراجا وقمرا منيرا. وهو الذي جعل الليل والنهار خلفة -

00:07:10

لمن اراد ان يتذكر او اراد شكورا وعباد الرحمن. يعني ايه الاول كلمة تبارك؟ وايه الفكرة ان تيجي التلات مواضع دول مبدئين بكلمة تبارك. يعني ايه الاول كلمة تبارك؟ تبارك قالوا اصلها جاية من البركة. وقالوا ايه اصل كلمة البركة؟ قال لك البركة المكان اللي - 00:07:30

تجتمع فيه المياه ويبقى ثابت ومستقر. استقر الماء في مكان بيسموها بركة. كلمة البركة ان الخير مستقر ما بيروحش تلاقي معه شوية تمر صغيرين او اكل صغير او شوية فلوس يقول لك ربنا مبارك. ربنا مبارك يعني ايه؟ الخير متجمع ما بيخلصش. دي البركة - 00:07:50

ربنا يبارك لك في وقتك تحس ان وقتك ما بيخلصش. مش تيجي تسأل النهاردة ايه تلاقي فات اسبوع وانت مش واحد بالك تلاقيه السنة الفين واربعين وانت فاكرها الفين وانتاشر سينين بتعدى من عمرنا ما فيش بركة. فالبركة استقرار الخير. معی؟ بيقى كلمة البركة استقرار - 00:08:10

زي استقرار الماء في مكان استقرار الخير. ده كلمة البركة. الباء والراء والكاف. طب وزن كلمة تبارك تفاعل. يعني بيفيد ايه الوزن ده في الفعل؟ بيفيد ايه؟ قال له بيفيد كذا حاجة. يفيد الزهور والانتشار ويفيد الاستمرار والاستقرار - 00:08:30

تاني يفيد ايه؟ الزهور والانتشار اي بيقى كلمة تبارك معناها ظهر خير الله عز وجل على الارض كلها واستقر خير الله عز وجل على العالمين. وانتشر خير الله عز وجل على كل مخلوق ظهر وبدا ولا - 00:08:50

ينكر ذلك الا جاحدا. كل ده بمعنى كلمة تبارك. معی؟ بيقى كلمة تبارك بتفييد ان في بركة من ربنا البركة دي انزلها الله عز وجل على

العالمين انزلها الله عز وجل على العالمين - 00:09:10

هذه البركة استقرت وانتشرت وثبتت. يبقى اذا المعنى اللي احنا عايزينه من كلمة تبارك الزهور والانتشار والوضوح والاستقرار  
والاستمرار. امتي ده يحصل في العالم؟ في تلات مواضع في السورة. امتي يحصل ان - 00:09:30

تملى العالم والخير يبقى واضح والشر يبقى واضح للناس عشان الناس تبقى على بينة. امتي يحصل البركة دي؟ وزن تبارك ده في  
تلات يبقى لو احنا استطعنا ان يبقى في عشان كده شف خد بالك من كلمة تبارك وكلمة للعالمين. تبارك الذي نزل الفرقان على عبده  
ليكون - 00:09:50

هنا للعالمين. عايزين تركيز الكلام تقبيل ولا ايه؟ نكمel. طيب توكلنا على الله عايزين تلت مواضع سورة تبارك يبقى في ذهنك  
سورة الفرقان في ذهنك الموضع الاول تبارك الذي - 00:10:10

الفرقان على عبده ليكون للعالمين. التلات مواضع بيحكوا لك كيف نصل الى مرحلة الفرقان ازاي نوصل بالمجتمع للوضوح التام ما  
يعتعش يبقى فيه تدليس ولا تلبيس ولا فلان المزيعة الفلانية تطلع تضحك عليهم ببرنامج ولا فلان الفلانى يعمل له - 00:10:30  
برنامج سخري يضيع له سوابت الدين ولا غلطة الشيخ الفلانى تخليه يشك في الاصول ولا غلطة الجماعة الفلانية تخليه يرجع يراجع  
لا لا هو على المجتمع واضح ومستقر. ازاي؟ بالتلات مواضيع دول. الموضع الاول التعامل مع القرآن. اللي رينا هنا في الموضع ده  
بالزات سماه ايه - 00:10:50

سماه فرقان تبارك الذي نزل الفرقان على عبده. اذا تقىيم اي شيء في الكون بدون اسس قرآنية يؤدي الى التدليس وعدم وضوح  
الرؤى. وهي دي الفكرة بتاعة الدرس اللي فات كله. ماذا لو غاب القرآن؟ يعني حصل موقف. ما فيش - 00:11:10  
اصول نقيم بها الموقف ده قرآنية ما فيش اصول قرآنية ده هي عمل عند الناس تدليس بعد كده. يبقى اول حاجة لابد من وجود الطرح  
القرآنی بوضوح وقوة في كل حد من الاحداث. سواء مشكلة فلسطين سواء افغانستان سواء مشكلة مصر - 00:11:30  
سواء مشكلة الشام في سوريا ايا كان سواء التقسيم المعاصر للدول وهل الحدود ديت احنا ملزمين بها ولا لا؟ قضية الولاء والبراء  
قضية الجهاد في سبيل الله. كل القضايا اللي بتتصيب بعض الناس بحساسية مفرطة. هذه القضايا اصول قرآنية نزل فيها الفرقان -  
00:11:50

واضحا وحطوا فيها حدود بينة وفواصل بينة. عدم طرح ده من القرآن يعمل خلل عند الناس. لذلك في نفس السورة يشتكى النبي  
صلى الله عليه وسلم وقال الرسول يا رب ان قومي اتخذوا هذا القرآن مهجورا. كلمة هذا القرآن معقولة - 00:12:10  
حد يسيب القرآن ده؟ اللي بعدها على طول وكذلك جعلنا في نفس السورة وكذلك جعلنا لكلنبي عدوا من المجرمين شف الربط ما  
بين اول لما ناس اتخصت القرآن مهجورة بيزهر الاعداء على طول بيستغلوا الفرصة دي - 00:12:30  
وقال الرسول يا رب ان قومي اتخذوا هذا القرآن مهجورا وكذلك جعلنا لكلنبي عدوا من المجرمين. ولكن وكفى بربك الصنف اللي  
عايز يسمع والصنف المحارب ونصيره وكفى بربك هاديا ونصيرها. يبقى الشيء الاول القرآن - 00:12:50

الشيء الثاني اللي يجيب مرحلة فرقان في الواقع تبارك الذي ان شاء جعل لك خيرا من ذلك جناته تجري من تحتها الانهار ويجعل لك  
قصورا. يعني ايه بقى؟ جزاكم الله خير. يعني ايه الكلام ده - 00:13:10

المشركين بيقولوا للنبي صلى الله عليه وسلم وللصحابة احنا مش مصدقين ان انتم الا على الحق. عايزين اية خلي حاجة تحصل اية  
انتم اللي على الحق. زي فرعون كده ما كان بيقول ذروني اقتل موسى وليدعو ربها. اما تشووف كده الدين بتاعه هي عمل له ايه -  
00:13:30

زي ما قالوا المنافقون غر هؤلاء دينهم. فراحوا قالوا عايزين اية احنا مش مصدقين ان انتم على الحق. عايزين اية حسية. لولا انزل  
اليه ملك فيكون معه نذيرها. او يلقى اليه كنز. عايزين اية حسية. فربنا - 00:13:50  
بيقول له انا قادر انا قادر ان اعمل لك اية حسية. تبارك الذي ايه؟ ان شاء ربنا قادر انه يعمل لك اية حسية. طيب تخيل معي لو  
الوقتي جم مجموعة من اهل الباطل قالوا احنا مش مصدقين ان القرآن ده حق - 00:14:10

فقلنا لهم طب استنوا كده هنجمع كل الناس في صعيد واحد ونقول لهم الدليل ان القرآن ده حق احنا هنمسك القرآن ونضرب به البحر يقوم البحر يتشق نصين ساعتها تصدقه. اليست هذه حالة من حالات الفرقان؟ مش ده ممك يبقى فرقان؟ طب ده اللي ما بيحصلش. ليه - 00:14:30

ربنا ما عملش لlama حالة يعني لو كان ربنا جعل للنبي صلى الله عليه وسلم جنات تجري من تحتها الارض. خد بالك وصف كلمة اتجنت اجري من تحتها النهاردة وصف خاص بالجنة اللي في الدار الاخرة. يعني كلمة جنة او جنات بتيجي في القرآن عادي. انما لما بييجي وصف تجري من تحتها الانهار - 00:14:50

وصف معجز فربنا بيقول له انا قادر ان انا اعمل لك جنات معجزة وقصور معجزة. لكن الله عز وجل لم يرد ذلك لو كان ربنا عمل كده مش كان الموضوع خلص؟ ولكن كان ساعتها اللي هيكرر هينزل عليه العذاب - 00:15:10

وبكتير الضغط على النبي صلى الله عليه وسلم من طلب اية فالنبي صلى الله عليه وسلم طلب من ربنا اية فربنا قال له ان شئت لو انت تريدي يا رسول الله جعلت لهم اي - 00:15:30

الله عز وجل جعلت لهم الصفا ذهبا. جعلت لهم الصفا ايه؟ ذهبا. وان شئت يا محمد ان استأني بهم. يعني اسيبهم تدعوه يوم ويوم. فقال لا يا رب بل استأني بهم. لأن اسيبهم لان لو الصفا اتعمل دهب وما امنوش هينزل عذاب - 00:15:40

عام يهلك كل الناس. لذلك جه معنا في سورة الفرقان سور من العذاب كلمة دمناهم تدميرا الله عز وجل لم يرد لهذه الامة الوصول للفرقان عن طريق الايات الحسية. لأن طب نعمل ايه؟ طب ما - 00:16:00

القرآن لوحده موجود وما بنوصلش لحالة الفرقان. وربنا قال لنا ان القرآن مش هيبقى اية حسية. نعمل ايه عشان نوصل للناس لحالة تيجي الكلمة الثالثة اللي تفهمك كيف نصل بالفرقان اللي هو القرآن الى مرحلة الفرقان - 00:16:20

ودي تكملة الدرس اللي فات. ان القضية مش بس في القرآن. مش بس في المنهج. لازم منهج ولازم تطبيق للمنهج لما سئلت امنا عائشة رضي الله عنها عن خلق النبي صلى الله عليه وسلم قالت كان ايه؟ خلقه القرآن - 00:16:40

التخلق بالقرآن. ناس بتطبق القرآن في المجتمع. المجتمع ده هيبقى وصل لحالة الفرقان. مباشرة خلل في المنهج. خلل في التطبيق هيحصل تدليس عند الناس. النبي صلى الله عليه وسلم استطاع - 00:17:00

المشركين يوم الهجرة رايحين يقتلوا النبي صلى الله عليه وسلم وسايبين الامانات بتاعتهم عنده هو النبي صلى الله عليه وسلم ساب سيدنا علي ليه؟ من احدي الحكم انه يرد الامانات. طب انتم رايحين تقتلوه؟ تسيبوا الامانات - 00:17:20

عنهه ازاي؟ لأن هم عارفين انه صادق. عارفين انه ما بيكربيش. عارفين انه امين التطبيق الصحيح للقرآن خلاهم يكفروا عن بينة. ما لوش عذر. التطبيق الخاطئ لنا القرآن والفهم الخاطئ للقرآن بيخلينا الناس بيدلس عليها الامر. لذلك كلمة حيران لما جت في سورة الانعام جت بعد ايات - 00:17:42

اذا رأيت الذين يخوضون في اياتنا. فاعرض عنهم حتى يخوضوا في حديث غيره. واما ينسينك الشيطان فلا تقع بعد الذكرى مع القوم الظالمين. وجود دعاء يجلسوا في مجالس يخاض فيها في ايات الله دون انكار - 00:18:12

بيخلي الناس توصل لمرحلة الحيران. التدليس في طرح الدين يخلي الناس توصل لمرحلة الحيران. الطرح الجزئي للدين يخلي الناس توصل لمرحلة الحيران التطبيق الخاطئ للدين غياب اخلاق المتدلين يخلي الناس توصل لمرحلة الحيران. ايه المرة الثالثة اللي جت فيها تبارك؟ قال ربنا - 00:18:32

تبارك الذي جعل في السماء بروجا وجعل فيها سراجا وقمرا منيرا وهو الذي جعل ليل ونهار خلفة لمن اراد ان يتذكر او اراد شكورا وعبد الرحمن. ايه العلاقة الاول ما بين سراجا وقمرا منيرا؟ وبين - 00:18:52

عبد الرحمن ها ايه رأيكم؟ ايه العلاقة بين؟ سراجا وقمرا منيرا خليكم معي خليكم معي. ايه العلاقة بين سراجا وقمرا منيرا وبين عباد الرحمن ايه رأيكم يوم القيمة - 00:19:12

طب ما فيش قبل يوم القيمة علاقة؟ هم زي كما ان من سنة الله عز وجل. حتى لا يتبيه في الارض عمل لهم يستضيئوا بالنجوم

وبالشمس وبالقمر ويستنيروا وعلامات وبالنجم وهم يهتدون. كما ان الله عز وجل وضع نجوما - [00:19:42](#)

في السماء يهتدى بها الناس كذلك لله عز وجل نجوم في الارض يهتدى بها الناس. واذا كان هذه النجوم والنور الشمس والقمر نهتدى بها ونستضيء بها في الامور الحسية المادية الطرق الحسية فهؤلاء - [00:20:02](#)

يستضاء بهم في الامور المعنوية. ده الرابط بين الایتين. ان زى ما في سراج وقمر منير في السماء عشان الناس ما تتوهش زى ما قال الله عز وجل وعلامات وبالنجم هم يهتدون. كذلك هؤلاء بهم يقتدى الناس. عباد الرحمن في الارض. وعباد الرحمن - [00:20:22](#) الذين يمشون على الارض هون. اذا كلمة تبارك هنا معناها الزهور والانتشار للدين لن يكون الا بوجود الطائفة المطبقة للفرقان. يبقى احنا عندنا تلات حالات نوصل بها للفرقان. وجود منهج صحيح الفرق ان - [00:20:42](#)

حسية تنزل تكسر الناس الاهل الباطل وتقطعهم ويبقى الامر واضح او اناس مطبقة. المرحلة اللي في النص مش لامة ما قدامناش غير المرحلة الاولى والثانوية. الایمان بالفرقان والتعايشه مع القرآن ثم تطبيق ده في الواقع. لا يكتفى بوحدة - [00:21:02](#) الاخرى يعني لو فيه طائفة جيل حماسي عايز ينصر الدين وعايز يثور وينصر دين ربنا من غير قرآن مش هي عمل حاجة مش هي نفع منه اي حاجة. ولا هي نفع اي حاجة ولا هي عمل اي تغير حقيقي - [00:21:22](#)

لازم تطبيق لكتاب الله عز وجل. لو فيه قرآن ومن غير ناس بتطبيقه هذا القرآن. طب وبعدين؟ هيظل كلام لا يطبق. المنهج تكفل الله عز بحفظه المنهج تكفل الله عز وجل بحفظه. لكن التطبيق امرنا نحن به - [00:21:42](#)

يبقى احنا عشان نغير الواقع لازم مرحلتين. المرحلة الاولى معايشة القرآن معايشة صحيحة وفهم القرآن فهم صحيح رقم اتنين تطبيق هذا في الواقع. يعني لما امنا عائشة تقول كان النبي صلى الله عليه وسلم قرآننا يمشي. يا سيدى خليلك اية تمشي - [00:22:12](#) شف شف العلاقة بين قرآن ويمشي. لذلك قالوا عن النبي صلى الله عليه وسلم في نفس السورة ان واحد عايش وسط المجتمع يأكل الطعام وايه؟ ويمشي في الاسواق ما اكتفاش ان القرآن لنفسه لا. هو طبق القرآن في نفسه تخلق بأخلاق القرآن زى ما امنا عائشة قالت كان - [00:22:32](#)

فخلقه القرآن وبعدين عمل ايه؟ عاش وسط الناس. كل واحد فينا في شغله في مكانه لو هو قرآن ان لو كل واحد فينا هو قرآن او ايات من القرآن عشر وطبقها وسط - [00:22:52](#)

ناس ده هي بقى فرقان ان هو ده الحق. فيه واحد كده تشووفه في الشغل يذكر الله. لا يفتات. حريص في شغلي امين ما ياخدش رشوة ما يقبلش وسايط. ما مش زالم يصلي الصلاة في وقتها. حسن الخلق مع الناس الناس - [00:23:12](#) بتبقى عارفة ان ده صح. حتى لو خالفته حتى لو بتغير منه. حتى لو بتحسده حتى لو عايزه تعمل معه مشاكل هي من جزيمة سابه الامانات عند النبي صلى الله عليه وسلم - [00:23:32](#)

رايحين يقتلوه هي عارفة ان ده صح. لذلك ملك الروم لما راح لابو سفيان ابو سفيان يقول له في عندنانبي جديد. طلع واحد بيدعى انه نبوة بينزل عليه رسالة من السماء. هرقل سأله ايه؟ سأله على تطبيق ده في الواقع - [00:23:42](#)

بيطبقوا ولا ما بيطبقوش؟ ذلك من الاسئلة العجيبة اللي سألهارقل لابو سفيان قال له ايه؟ اسئلة بقى اه اللي بيتبغه الضعفاء ولا الاغنياء اه الناس بتتعود سخطة عن دين الناس بعد ما بتمشي معه بترجع تسيبه ولا بيتمسكه؟ قال له بيتمسكونا اتباعه - [00:24:02](#) ضعفاء سأله سؤال قال له ايه؟ قال هل يغدر؟ بيغدر؟ بيقول كلامه يرجع ينقضه؟ بيلاعب بالمبادئ يقول كلام وبعدين يرجع يغيره عشان مصالحه؟ ولا بيطبق الحق حتى على نفسه؟ زى كده ولو ان فاطمة بنت محمد وحاشاها - [00:24:22](#)

صلى الله عليه وسلم سرقت لقطعت يدها. قال هل يغدر ابو سفيان اللي بيحاربه؟ قال لا. تطبيقنا الحقيقى للدين يخلي الكافر يقول لك انت اللي على الحق. بس يفضل ممكن يشحد لان ده هيفضل موجود. وجحدوا بها واستيقنها - [00:24:42](#)

ظلموا وعلو. يبقى ما فيش فرقان في الواقع انت عشان تبقى فرقان في شغلك لازم مرحلتين. القرآن ثم التخلق به فخلف من بعدهم خلف كلمة خلف هنا المقصود بها الجيل الفاسد. خلف من بعدهم خلف جت مرتين - [00:25:02](#) في القرآن. مرة في الاعراف ومرة في مريم. بتاعة الاعراف فخلف من بعدهم خلف ورثوا الكتاب بتاعة مريم فخلف من بعدهم خلف

اضاعوا الصلاة. امتنى الجيل يبقى فاسد؟ ما فيش صلاة يبقى جيل فاسد. الخلف ده - 00:25:27

اللي بتبوز من اللبن وخلاص بتترمي ما يبقاش لها قيمة. يبقى من غير قرآن ومن غير تطبيق للقرآن جه الفاسد. مش هي عمل اي

حاجة مش يجي منه اي اصلاح. اي مناهج اخرى هتأتي بالاصلاح مش هتكلم. وما يبدئ الباطل وما يعيد - 00:25:47

لذلك لما تيجي تشواف آآ صفات عباد الرحمن وازن الدكتور حازم شرحها قبل كده بالتفصيل. صفات عباد الرحمن في اخر سورة الفرقان تتعجب! انا عايزك ركز على اشياء فيها كده ، وانت بتقرأ تفاجئ ربنا بيقول ايه ؟ و اذا خاطبهم ده عايشين في مجتمع فيه

جهلة بيجهلوا عليهم. والذين لا - 00:26:06

يدعون مع الله الها اخر ده عايشين في مجتمع فيه مشركين. ولا يقتلون النفس ده عايشين في مجتمع فيه قتالين قتلى. ولا يزدرون

عايشين في مجتمع فيه زنا و اذا مروا باللغو عايشين في مجتمع فيه لغو. ايه ده! واستطاعوا ان يطبقوا الدين نعم عشان ما تقوليش اصل هم كانوا عايشين في المدينة الفاضلة. لأ ما كانوا عايشين في - 00:26:27

المدينة الفضيلة. قلت له ده اصل هم ما كانوا عايشين في المنصورة. لأ كانوا قاعدين في اسوأ من المنصورة. قلت له لأ اصل هم دول طبقوه. اصل كانت الظروف المحيطة. لأ مش الزروف المحيطة - 00:26:47

استطاعوا ان هما يجاهدوا نفسهم. لذلك شف جمعوا بين صفات قوة العبادة والطاعة بيبيتون لربهم سجدا وقياما الخوف من ربنا اصرف عننا عذاب جهنم. الاخلاق مع الناس خاطبهم الجنون وقالوا سلاما. التوازن في حياته لم يسرفه ولم يقتله. انسان متوازن في - 00:26:57

الدنيا لا مسرف في الدنيا ولا بيضيع دينيته. انسان متوازن. لا تلاقيه متشدد الناحية دي ولا الناحية دي. انسان تزن في الطرح بتاعه عشان يأكل من عمل يده. عايش وسط الناس. يأكل الطعام ويمشي في الاسواق. ده بيغير المجتمع. في سرقة - 00:27:17

في قتل في زنا في شرك هو لا يتتأثر بذلك هو يدعوهم ولا يتتأثر. هو يغير فيهم وهم لا يغيرون فيه. لذلك يقول الله عز وجل و اذا مروا باللغو مروا كراما. يعني ايه مروا باللغو مروا كراما؟ طيب. كنا بنقول و اذا مروا باللغو مروا - 00:27:37

كرام. يعني ايه مروا كراما؟ يعني وهو بيعدى من على مجالس وخد بالك من كلمة ازا يعني لو حتى فجأة كده معدى على مجلس له ما يتأسرش وده صعب جدا انا كنت بقول كان في احد الناس يذكر انه كان بيعلم الناس وبعدين تغير اخلاقه تغيرت فسألة لماذا تغير - 00:27:57

فقالوا كلمة مشروعة ما زال به الناس حتى ساء خلقه. الكلمة دي خطيرة اوبي. ما زال به الناس حتى ايه؟ الناس قعدت اضغط عليه ده يعمل في موقف وحش وده ياخد حاجته وما يرجعهاش وده يكسر له حاجته. وده يضغط عليه نفسيا. فجأة بقت اخلاقه وحشة. ده

المجتمع - 00:28:17

هو اللي غير في لأ انت اللي لازم تبقى اخلاقك قوية. انت تبقى ثابت على مبادئك. ما تغيرهاش. مش من ناس عمالة تغير ان انت تغير انك انت بتمشي مع الناس الكثير وخلاص لأ. تتبع الحق حتى لو قلة. لذلك و اذا مروا بالله ولو اذا - 00:28:37

فجأة عدى من الله مروا الكرام. لذلك النبي صلى الله عليه وسلم صلوا عليه. يحذر ان انت اخلاقك تتغير من غير ما تشعر. يقول النبي صلى الله عليه وسلم مثل جليس الصالح - 00:28:57

وجليس السوء كايه؟ حامي المسك ونافخ الكير. ليه؟ النبي صلى الله عليه وسلم شبه التغير الاخلاقي للشخص من اصدقائه بانتقال الروائح شبه النبي صلى الله عليه وسلم التغير الاخلاقي اللي بيحصل للشخص بانتقال الروائح. لأن الروائح بتنتقل دون ان تشعر - 00:29:07

تناقيك مروح بعد الصلاة وقفت خمس دقايق مع ناس سلمت عليهم وروحت البيت يقول لك ايه ده انت ريحتك سجاير قلت لهم انا محتاجة مشيب سجاير الرائحة انتقلت دون ان تشعر. ريحتك اتغيرت لذلك النبي صلى الله عليه وسلم شبه انتقاد الرائحة. انت ممكن تقدر مجلس - 00:29:27

تقوم بخلق طيب انتقلت الرائحة الطيبة رحمة المسك انتقلت دون ان تشعر. الانسان بيتغير لو ساب نفسه المجتمع اللي يغير هيتغير لأ

انت عندك مبادئ جبت المبادئ دي كلها منين اللي موجودة في السورة؟ وعباد الرحمن الذين ازاى مشيوا على - 00:29:47

الارض هونا ربنا بيقول ايه؟ بيبتون لربهم سجادا وقياما. طول الليل مع القرآن بيتعزى قرآن في جو ايمني يصلني قيام جمع بين الصلاة والقرآن اللي احنا قلنا عكس كلمة ايه؟ ها احنا قلنا الجيل الفاسد اللي ترك اللي ربنا سماه كلمة الایه؟ خلف - 00:30:07

خلف من بعدهم خلف ورثوا الكتاب فخلف من بعضهم خلف اضعوا الصلاة. هو بيعمل عكس الاثنين دول بالليل. طول الليل يصلني بالقرآن بيستضيق بنور القرآن يكتسب قوة معنوية قوية. ينزل بالنهار نفسه - 00:30:27

احتقر الدنيا بيمشي على الارض هونا. تخلق بأخلاق القرآن. دول لو وجدوا بكثرة في مجتمع المجتمع يوصل لمرحلة الفقهاء مباشرة على طول الناس تبقى عارفة الحق من الباطل. لكن للاسف جزء يعني مش هقول كبير عشان ما ابقوش متهم ولكن - 00:30:47

جزء غير صغير من التدليس اللي بيحصل على الناس بسبب اخطاء العاملين للدين. لكن هذا ليس عذرا لهم ايضا. انا مش معنی ان انا بقول ان احنا نوصل لمرحلة الفرقان ان ما دون مرحلة الفرقان اللي بيقف في صف اهل الباطن معذور لا ليس معذورا. سلمان الفارسي رضي الله عنه - 00:31:07

لما حب كان يعني في الدين الباطل بتاعه وعبادة النهار كان هو ملك ابن ملك. هو اللي كان خادم النار وبعدين قال لأ ده مش ده مش دين عايز اوصل للحق فسأل من اعبد اهل الارض؟ دلوني على اصل هذا الدين - 00:31:27

الناس على قسيس معين عالم من علماء النصارى راهب. شف وسائل عن افضل واحد في الارض. راح عنده قال له انا هخدمك لغاية لما تموت اكتشف سيدنا سليمان الراجل ده نصاب. تخيل بتاع الدين ده طلع نصاب. طلع بيكلم الناس لازم تتصدقوا والزكاة ويأخذ الفلوس - 00:31:47

بص يا عيني فضل ملازمته ما فيش بديل. فضل ملازمته سيدنا سلمان الى ان مات طلع قال للناس الراجل ده كان نصاب. قايل له انت بتقول ايه؟ قال لهم الدليل اهو لشريط الذهب. كان ممكن سيدنا سلمان يقول اكن انا سايب ابويها وسايب القصور يا عم الدنيا - 00:32:07

يا عم هو ده بتوع الدين انا ما اقعدش عايز حاجة من الدين ده. ده فيه واحد يدخل كوتشنين يتسرق بس يقول لك انا ما عدتش داخل تاني. يبقى اذا الابتلاءات اللي بتقابلك من اخلاق الدين - 00:32:27

ليست عذر انك تلف وترجع لا. لكن انا بقول ازاى نوصل بالمجتمع لمرحلة ان ما عدش حد يدلس عليه ما فيش عذر ابدا لاي حد زورنا هو مش معذور امام الله ان يبقى فيه تدليس. تطبيق الفعل ان احنا نمشي وسط الناس بالقرآن. نعيش وسطهم - 00:32:37  
نأكل الطعام ونمسي بالأسواق. يبقى في واحد في السوق ما بيغشش. بيبقى معروف وساعة الصلاة يقوم ويوقف ويصلني. ده عايش وسط ناس واحد بيأمر بالمعروف وينهى عن المنكر بخلق يمشي وسط الناس. يبقى عايشين بدينا وسط الناس. مش الدين له مكان تلاقي واحد - 00:32:57

في المسجد قاعد بيسمع الاخلاق ويعطي ويطلع في التجارة يقوم شايل علامة الصلاة وقلع الدقن ويمارس حياته عادي بقى خلاص. يكذب ويتعاط ويدلس ويرجع بقى المسجد يقوم ايه لابس وداخل المسجد. بقت ايه؟ بقت بالنسبة له مجرد اكسسوارات. لأ ده اللي بيحصل عند ايه؟ للاسف جزء من الناس - 00:33:17

تلاقيه قاعد يقول لك اوعى تتعامل مع الناس دي. الناس دي حرامية. لذلك التطبيق الخاطئ يدلس على الناس ميوصلناش لمرحلة الفرقان فربنا قال ان عباد الرحمن دول لو وجدوا في مجتمع حتى لو مستضعف دي مرحلة فرقان - 00:33:37

تجلب النصر دي مرحلة فرقان تستجلب النصر من ربنا سبحانه وتعالى. ينزل نصر فيه ناس يا يأتون لربهم سجادا وقياما اخلاقهم طيبة مع الناس يقولون سلاما خايفين من عذاب ربنا متوازن في حياته لم يسرفوا ولم يقتنوا - 00:33:57

اخلاق الباطن ما بتأسرش فيه لا يدعون مع الله الها اخر لا يقتلون لا يزنون. اذا مروا باللغو مروا كراما لا يشهدون الزور. الزور تلقي الاعياد الباطل. يعني المجتمع من حواليه بيعيد ومبسوط وفرحان وهو منعزل. طب ما يمشي معهم وخلاص لأ - 00:34:17  
سابت على مبادئه لا يشهدون الزور. وجود هؤلاء دليل ان في حق. ليه قوم لوط قالوا اخرجوا ال لوط من قريتكم. انهم اناس

يُضطهرون. ليه عايز يطرده؟ لأن وجود ده - 00:34:37

دليل ان هو فاسد لما يبقى فيه مصلحة حكومية. دخلت مكان فيه خمس مكاتب. اربعة بياخدوا رشوة وواحد لأن. تلاقاهم عايزين يمشوه. ما هو شكلهم وحش مطلعهم ان هم وحشين. وهتلاقي الناس ده الشخص ده هو بس الطوابير واقفة عنده. وكده هو من غير ما يكلمهم. يعني لو جه - 00:34:57

واحد ادي له فلوس ما خدش منه هو لسه ما قالش حاجة يقوم واحد يقول له يعني انت عايز تقول علي ان انا وحش؟ يا عم انا جيت جنبك! انا قلت لك حاجة! اومال انت ما بتاخدش رشوة! يا عم انت ما لك - 00:35:17

اولا دي مش رشوة. يا سيدى فاللي ما بيعملش الحاجة تلاقاهم عايز كل الناس تبقى زييه عشان ما يبقاش وحش. ودت ازاي لو ان تزني نساء اجمعواه. ودوا لو تكفرون كما كفروا فتكونون سواء. لكن - 00:35:27

فبات عباد الرحمن على المبادئ حتى لو اصيّب بأذى. حتى لو خالف المجتمع كله ده دليل ان فيه حق. اهل الباطل ما يستحملوش مش يقول له اخرجوا إل لوطن من قريتكم انهم اناس يطالون. ما يستحملش يبقى في ناس بتعامل بالعدل. زي قلت لكم السؤال - 00:35:47

هرقل ده هل يغدر؟ سؤال واحد بيفهم استغراق لملك شغال في السياسة وعارف ان السياسة كلها غدر فقال يجي حد في السياسة وما يبقاش بيغدر. فقال هل يغدر؟ قال لا. قال له ازاي؟ ده ما بتجييش غير ما بتجييش غير - 00:36:07

بدر. قال لا. قال له ده بيقى نبى. زي التجارة كده. التاجر الصدوق الامين الصدوق مع النبىين الصديقين والشهداء التجارة انت ممكن كلمة تدليس تفرق معك الف جنيه خمسين جنيه ميت جنيه ميت الف جنيه على حسب التجارة - 00:36:27

بتاعته. والله احده الاخوة كان بيسألني يقول لي انا ممكن اشاره مني بس. واحد يسأل يعني حاجة في البضااعة اشاور بس ما انكلمش. تفرق معك الف جنيه الفين جنيه. يعلم خائنة الاعيين وما تخفي الصدور. هو انا لازم اقول - 00:36:47

وانا لازم اتعامل المعاملات اصعب. تطبيق الدين في الواقع صعب. انك تعيش بالدين. لا سيمما في الامور اللي اجتماعية في الامور التجارية في الامور السياسية. اصعب شيء تعيش به في الدين التلاتة دول. اصعب شيء انك تطبق الدين - 00:37:07

خلاف مع زوجتك مع قرائك. الواحد لما بيقرأ قول الله عز وجل وان طلقتوه من قبل ان تمسوهن وقد فرضتم لهن فرضية فنصف ما فرضتم يعني الواحد عقد على امرأة ولما يبني بها لستة لم يدخل بها وبعدين طلقها - 00:37:27

فربنا بيقول يعمل ايه؟ نصف ما فرضته المفروض يديها نص المهر. الا ان يعفون يعفون هنا النون دي نون النسوة يعني الا ان يعفو النساء. او يعفو الذي بيده عقدة النكاح اللي هو الزوج على احده القوال - 00:37:47

تعفو اقرب للتقوى ولا تنسوا الفضل بينكم. ايه ده! هل الطلاق وربنا بيقول لا تنسوا الفضل بينكم. تخيل وخد بالك لا تنسوا الفضل بينكم دول مش قعدوا مع بعض عشر سنين مسلا فيه حب لا لا ده آآ ده لستة في العقد. الواحد بيتعجب - 00:38:07

ممكنتعيش مع بعضها سنين في الخير ويحبوا بعض ومشكلة واحدة تفرقهم كلهم عن بعض. ازاي؟ ربنا خلف الاية دي الا ان يعفون او يعفو الذي بيده عقدة النكاح. سباق من الذي يعفو؟ المجتمع المسلم الصحيح لما يحصل حالة زي دي حالة طلاق المرأة تقول لا - 00:38:27

انا مصممة اتنازل عن المهر كله. هو يقول لأننا مصمم ادفع المهر كله. شفتم ده قبل كده؟ في الاحلام صح ده لما يحصل ده دين. القصص اللي اللي بنسمعها عن السلف في الامانة والمال - 00:38:47

ازاي الدين انتشر في شرق اسيا وفي جنوب شرق اسيا بالأخلاق؟ ازاي نتاجر صدق التاجر وامانة التاجر كانت هي السبب في انتشار الدين في كثير من الاماكن ده اللي احنا محتاجينه. اذا تطبيق - 00:39:07

مرحلة التطبيق عندنا مرحلتين للدين. مش عايزين نخلط ابدا. عندنا مرحلتين. مرحلة التبيين ومرحلة الایه؟ التطبيق. عايزين نفهم المعادلة دي كويستة. عندنا مرحلتين مرحلة التبيين مرحلة التطبيق. اي خلل في الاثنين يؤدي الى عدم الوصول لمرحلة التطبيق. الى مرحلة الفرقان. مرحلة التبيين - 00:39:27

ناس فاهمة قرآن صح وبتعرض على الناس الدين من القرآن. الخلل في التبيين صعب خطر. والخلل في التبيين ما فيش في عذر طب  
الخلل في التطبيق ماشي مش قادر تطبق الوقتي او مش خلل بقى نقص في التطبيق ممكن تعذر به. يعني احنا مش قادرین -

00:39:47

يطبق الدين كاملا. احنا معذورين فيه ضغط. فيه هيمنة عالمية فيه كذا. انما التبيين ما لكتش عذر مرحلة التبيين لسنا معذورين فيها.  
لازم معايشة الفرقان وتوصيل مفاهيم القرآن الواضحة للناس -

00:40:07

بدون تدليس. قلنا البيان الكلي. المرحلة الثانية ان يبجي جيل اسمه ايه؟ عباد الرحمن. مش مهم اسمه مش مكانه مش مهم جنسيته.  
المهم تطبيق هذه المبادئ في ارض الواقع. السلام عليكم ورحمة الله وبركاته -

00:40:27

الحمد لله وحده والصلوة والسلام على من لا نبي بعده. محمد صلى الله عليه وسلم. كنا بنقول ان في مرحلتين لازم نوم. المرحلة  
الاولى مرحلة التبيين. المرحلة الثانية مرحلة التطبيق. ربنا سبحانه وتعالى يقول في القرآن انزل من السماء ماء فسال -  
اودية بقدرها. فاحتمل السيل زبلا روبيا. دي مرحلة. المرحلة الثانية وما يوقدون عليه في النار ابتجاء او متع زبد المثل. كذلك  
يضرب الله الحق والباطل. دول مثالين لصراع الحق والباطل -

00:41:07

ماشي؟ دول مسلمين لصالح الحق والباطل. المسل الاول صراع الماء اللي بينزل من السماء مية بتنزل من السماء مع القاذورات والزبد  
اللي موجود في الاودية وفي الارض. ينزل الماء يحصل الصراع. قوة دفع الماء وهي نازلة ترمي هذه الاشياء القذرة -

00:41:27

المبهجة على الفاضي الزيد ده ترميه. اما الزيد فيذهب جفاء واما ما ينفع الناس فييمكث في الارض يبقى اذا المرحلة الاولانية صراع  
الماء ده ممكن يشبه ان الماء ده هو الوحي. زي ما النبي صلى الله عليه وسلم قال -

00:41:47

مثل ما بعثني الله به مثل ما بعثني الله عز وجل به من الهدى والخير كمثل غيث اصاب ارضا. خد بالك من كلمة انزل جت بصيغة  
الايه؟ الماضي. انزل من السماء ماء فسالت اودية بقدرها فاحتمل السيل زمن الربيع -

00:42:07

المسل الثاني يجيب صيغة الايه؟ المضارع وما يوقدون عليه في النار. طب ليه الاولاني يجيب صيغة الماضي انزل من السماء. ليه  
ربنا ما قالش عشان المسل كله يبقى بصيغة المضارع ينزل من السماء ماء فتسيل اودية بقدرها. او انزل من السماء ماء وما اوند  
الناس -

00:42:27

ليه جات الاولانية بالماضي والثانوية بالبارك؟ لان الاولانية دي معركة التبيين، معركة الوحي، يعني معركة القرآن قсад الافكار الضالة  
كل الافكار الضالة العلمانية الاشتراكية اي فكرة ضالة معركة القرآن جت بصيغة الماضي ليه؟ لان المعركة خلصانة. القرآن كسبان  
كسبان. اي -

00:42:47

معركة فكرية القرآن كسبان فيها. القضية في التطبيق. دي بقى وما يوقدون عليه في النار. اهل الحق بقى لازم خشوا الفرن اللي هو  
الابتلاء زي ما الذهب بيدخل الفرن كده ويتحط في النار والخبيث يسقط من الذهب كذلك اهل الایمان اللي ادعوا -  
كلهم لازم هيخشوا الفرن عشان الخبيث اللي منهم يسقط والعياذ بالله. ومن يوقدون عليه في النار ابتجاء حلية او متع ابد مثله  
يبقى فيه زيد للافكار وفيه زيد للاشخاص. الصراع الفعلي العملي التطبيقي -

00:43:27

الحرب سجال هم ممكن يكسبوا مرة واحنا ممكن نكسب مرة. زي ما هرقل سأل كده سفيان مين اللي بيكسب في الحرب؟ قال له مرة  
بدر ومرة واحد. ده وارد لاي سبب تقسيم مننا زي معصية الرسول في احده عدم اعداد العدة -

00:43:47

لكن معركة الوحي لا يمكن نخسر فيها. الا سوء فهم مننا بقى من القرآن. يعني لما تلاقى منازلة ويخسر فيها قال ده تقسيم من الفهم  
ان القرآن لا يأتيه الباطل من بين يديه ولا من خلفه. تنزيل من حكيم حميد. وانك لتلقى القرآن من لدن حكيم -

00:44:07

من عليه. انت بتلقى يعني اه خلاصة الوحي على سنين. ام الكتاب ام الكتب القرآن. كلام الله عز وجل لا يأتيه الباطل من بين يديه ولا  
من خلفه. اذا في معركتين عندنا -

00:44:27

معركة تبيين ثم معركة التطبيق. معركة التبيين اتكلمنا فيها في ماذا لو غاب القرآن؟ معركة التطبيق محتاجين فيها عباد الرحمن دول

المرحلتين ده ملخص الصراع الموجود الفرقان مش هنوصل ربنا جاب صراعين انزل من السماء ماء وماما يوقدون - 00:44:47  
عليه في النار المثل المائي والمثل الناري المثل المائي ده الوحي وان الوحي كسبان كسبان جيب صيغة الماضي. مما يوقدون عليه ليه بصيغة المضارع؟ لأن لسة الحرب هتفضل الى يوم القيمة. لا تقوم الساعة حتى يقاتل المسلمون اليهود. هيفضل القتال - 00:45:07  
جهاد ماض الى يوم القيمة. ويفضل الحرب سجال بيننا وبينهم. اذا انا واحد عايز اساهم في المعركة دي. خد اية واحدة بس. عشا وطبقها ووسط الناس. قال النبي صلي الله عليه وسلم بلغوا عنى ولو اية. لو انت مش قادر - 00:45:27  
تبقى قرآن يمشي على الارض خليك نص القرآن تلت القرآن سورة اية تمشي انا مش عايز تبقى قرآن او صورة مع نفسك لأننا عايزك تمشي بين الناس. ويجعل لكم نورا تمشون به - 00:45:47  
النور ده لازم ايه؟ تمشي به وسط الناس. الناس لما هتشوف اخلاق اهل القرآن هتقول اه الرجال ده على حق. حتى لو احنا اظلموا وبنسرقه احنا عارفين ان هو صح. دي مرحلة البيينة. اذا مرحلة الفرقان مش معناها ان الناس كلها تؤمن لا - 00:46:07  
ربنا اسبت ان في ناس بعد الفرقان هيومتوا على الباطل. ليهلك من هلك؟ عن بينة. اوعى تفتقرك ان مرحلة الفرقان ان معناها ان الناس كلها هتؤمن لأن الله متم نوره ولو كره فيه ناس هتفضل كارهه لآخر لحظة. يعني النور هيتم وهينتشر - 00:46:27  
وفيه ناس هتفضل كارهه. اوعى تعتقد ان لازم الموضوع يتم كله وسلام. لأن الله فيه جهاد وفيه قتال وفيه صراع مرحلتين صراع التبيين سبب صراع التطبيق. غياب عباد الرحمن في الواقع طب على قد مستوى انا. حتى شف هنا عباد الرحمن وكأن الواقع كله رافضهم - 00:46:47  
طب قالوا نعمل ايه بقى؟ الواقع كله جاهلية حوالاهم؟ قالوا خلاص ربنا هب لنا من ازواجنا وذريتنا. على الاقل اصلاح بيتي. قرة واجعلني شف بقى مش معنى ان انا اصلاح بيتي ان انا ما ليش طموح ديني لأننا للمرءين اماما. شف في اية واحدة جمع ما بين - 00:47:07  
الواجب العملي عليه وبين طموحه الديني. بين المثالية في تصور هدفه وبين واقعية في تطبيق اللي هو عايزه. انت ممكن تطبيق الشريعة تطبيق الشريعة انت تطبيق الشريعة في بيتك انا مش معنى ان احنا لانسعي بصفة جماعية يسعى لذلك بكل وسيلة - 00:47:27  
كل وسيلة مشروعة يسعى لذلك. لكن انا اقصد انت ممكن تجد من اللي بيطلب بتطبيق الشريعة في الواقع هو مطبق شريعة في بيته. في خلاف مع زوجته مكتوب في مشاكله مع اولاده. قال النبي صلي الله عليه وسلم كلكم راع وكلكم مسؤول عن رعيته. الرجل راعي في بيته - 00:47:47  
ويقول النبي صلي الله عليه وسلم ما من راع يسترعى الله رعية يوم يموت وهو لها غاش الا حرم الله عليه الجنة. نعوذ بالله الراعي سواء اب في البيت رئيس على دولة مدير المرأة في بيتها راعية. الراعي اي - 00:48:07  
اي نوع يغش الراعية يحرم الله عز وجل عليه الجنة. حتى يعذب يعني بالذنب ده. يعني مسلا هوب يساعد على فساد الاولاد. يهيا لهم ظروف الفساد. ما فيش رقابة ما فيش تربية. ده مفسد. ده غاش - 00:48:27  
الرعية ليس ناصحا امينا له. طب فين بقى الشريعة؟ لذلك هم دول بدأوا بانفسهم بدأوا باولادهم هب لنا من ازواجنا وذرياتنا قرة عين. فبالتالي ابدأ صاح عشان تمشي صح. وجعلنا للمرءين يوم زي ما ربنا قال واد غدوت - 00:48:47  
فمن اهلك تبوا المؤمنين مقاعد القتال. انا اطلع الاول من بيته مستقر. من اهلك تبوا المؤمنين مقاعد القتال. لن تكون اماما للمرءين قبل ما تصلح بيتك ابدأ من تعول. والاقربون اولى بالمعروف وانذر عشيرتك الاقربين. اذا انت لست معذور - 00:49:07  
في السعي لتطبيق الدين. ولو بایة. يا سيدى انت راجل بتعمل عمل بسيط جدا جدا في حياتك خليك فيه صادق خليك في امين روح صلي في المواعيد ابتسم في وجه الناس انصحهم نصائح بسيطة مش قادر تكلم مطويات صغيرة وتوزعها - 00:49:27  
لست معذور. ممكن تعمل اي عمل تساهم فيه في هذه المعركة. اذا هنالك معركة حقيقة موجودة صراع بين الحق والباطل معركة على مرحلتين مش لازم يعني الاولانية ثم الثانية اللاتين يجتمعوا في شيء واحد قد يجتمع تبين ثم - 00:49:47

تطبيق معركة التبيين المفروض مفروغ منها. نصر فيها قطعي للقرآن. لا يأتيه الباطل بين يديه ومن خلفه. معركة التطبيق قد يصوب قد يشوبها بعض نقص بسبب افعالنا بسبب ذنبينا قد شبه بعض الناس. لكن المفروض النتيجة اللي تظهر للناس طائفه - 00:50:07 وسط الناس تمشي في الاسواق عباد الرحمن. عليهم سمت الدين. يطبقون الدين فعلا ليس كلاما. عايشين وسط الناس يأكل الطعام ويمشي في الاسواق. قرآن يمشي على الارض. نورا تمثون به في الناس. ويجعل لكم نورا - 00:50:27

يمثون به نور من غير ما تمشي به لن يحدث به تغيير. احبتي في الله ارجو ان احنا نرجع نقرأ سورة الفرقان تاني ابحث اسعد مواضع تبارك فيها نعيد قراءتها. كان في كلام يعني لكن الوقت دهمنا في هذه السورة العظيمة لو ربنا قدر ان شاء - 00:50:47 ان شاء الله ممكن لقاء اخر ممكن نشرح فيه اشياء اخرى. اسأل الله عز وجل ان يرزقنا فهم كتابه وان يرزقنا العمل به. اللهم اجعلنا من اهل القرآن هم اهلك وخاصتك. اللهم اجعلنا من اهل العمل بالقرآن والجهاد بالقرآن. اللهم ارزقنا تلاوته اطراف الليل واطراف النهار على الوجه الذي يرضيك عنا - 00:51:07

اللهم استعملنا استعملنا لنصرة دينك في الارض. اللهم استعملنا ولا تستبدلنا. اللهم اهدا واهد بنا واجعلنا سببا لمن اهتدى. اللهم ربنا اتنا في الدنيا حسنة في الآخرة حسنة وقنا عذاب النار. اقول قولي هذا واستغفر الله لي ولكم. سبحانه الله وبحمدك. اشهد ان لا اله الا انت. استغفرك واتوب اليك واقم الصلاة - 00:51:27 - 00:51:47